

ANTIKORUPCIJSKA
MREŽA ORGANIZACIJA
CIVILNOG DRUŠTVA

ACCOUNT

POGLEDAJTE ISTRAŽIVAČKU AKCIJU ŽURNALA: ZA 17 DANA STEKLI SMO DIPLOMU SREDNJE MEDICINSKE ŠKOLE

Objavljeno: 04.01.2019. u 12:21h

Diplomu Srednje medicinske škole iz Sanskog Mosta koja je priznata u cijeloj BiH i Evropskoj uniji, naša novinarka stekla je za dvije sedmice. Posrednik tražio 2500 maraka za hitnu diplomu. U dokumentima navedeno da je prekvalifikacija trajala dvije godine. Diploma formalno izdata prije nego smo i predali dokumentaciju



Novinari Online magazina Žurnal izveli su do sada nezabilježenu [akciju u istraživačkom novinarstvu](#) i dokazali da se za 17 dana može kupiti diploma srednje medicinske škole, nakon ove afere [MUP USK je izuzeo dokumentaciju Medicinske škole u Sanskom Mostu](#), a otkriveno je i da je [Agencija za posredovanje pri zapošljavanju u Njemačkoj upozorila na sumljive diplome](#). Otkriveno je da [Tužilaštvo BiH odbacilo informacije o kupovini diploma koje im je dostavila SIPA](#), te da [zamjenama identiteta pokušavaju prikriti kriminal](#), kao i to da [umjesto hapšenja odgovornih tužiocu Tužilaštva BiH provjeravaju novinarske izvore](#).

Najvažniji događaji u ovom dvomjesečnom razdoblju bili su antikorupcijski događaji koje je ACCOUNT organizovao u cijeloj BiH kako bi obilježio sedmicu borbe protiv korupcije u decembru 2018. godine. U sklopu tih aktivnosti sedam OCD-a iz ACCOUNT mreže organizovale su javne događaje u 70 javnih institucija u 29 gradova u RS i FBiH kako bi zagovarali učinkovitiju zaštitu zviždača. U Sarajevu, Zenici, Bijeljini i Livnu, konzorcij četiri organizacije: (Fondacija INFOHOUSE, Fondacija CURE, Centar ženskih prava i Udruženje građanki Grahovo) koji su izabrani da implementiraju Program za kandidatkinje na oktobarskim izborima 2018. godine kojeg je finansirao USAID, provele su ulične akcije pod sloganom #skinilaznolicepolitike kako bi podigli svijest o kršenju prava kandidatkinja/političarki (<http://www.viphd.ba/2018/12/07/sarajevo-ulicna-akcija-skini-lazno-lice-politike-obilježavanje-antikoruptivne-sedmice-u-organizaciji-fondacije-infohouse-i-partnerskih-organizacija/>).

Analiza podataka o mandatima dodijeljenim kandidatkinjama nakon izbora

Izgleda da je svijet politike u BiH muški svijet. Ovo je postalo posebno evidentno tokom izbora, koji su rezultirali u smanjenom broju žena kojima je dodijeljen mandat u zakonodavnim institucijama BiH u donosu na mandatni period 2014-2018. Sada je 7 žena dobilo mandat u Parlamentarnoj skupštini BiH, 25 žena je izabrano u Parlament FBiH, dok je 14 žena dobilo mandat u Narodnoj skupštini RS.

Tabele u nastavku daju podatke o dodjeli mandata (2018-2022) nakon izbora. Podatke je prikupilo Udruženje građanki Grahovo, jedna od organizacija koja provodi Program pravne podrške za kandidatkinje. Podaci su objavljeni na portalu Interview.ba.

PARLAMENT BiH 2014.-2018.

Kako će se izvršiti raspodjela mandata u 2018. godine. Gdje će biti žene?

Za Interview.ba samo je PDP potvrdio da će u Parlamentu biti 1 žena od njihova dva kandidata.

Od 42 zastupnika 10 žena:

- SDA 6/1 žena
- SNSD 6/2 žene
- DF 5/3 žene
- HDZ BiH (u okviru koalicije) 4/2 žene
- SBB 4
- Samostalni kandidati 4
- SDS 3/1 žena
- DNS 3
- SDP 3
- BS Sefer Halilović 1
- ASDA 1
- PDP-NDP 1
- HDZ 1990 1 žena



Parlament BiH 2018.-2022. osvojene pozicije:

SDA 9, SNSD 5, SDP 5, HDZ 5, SDS 4, DF 3, SBB 2, NS 2, PDP 2, NB 1, PDA 1, ASDA 1, DNS 1, SP 1.

Ilustracija: www.interview.ba

ZASTUPNIČKI DOM PARLAMENTA FBiH 2018. - 2022.

- SDA
- HDZ BiH (U OKVIRU KOALICIJE)
- SDP
- DF-GS, ŽELJKO KOMŠIĆ: BIH POBJEĐUJE!
- SBB
- NS
- NB
- PDA
- ASDA ZA EVROPSKU BIH - ZAJEDNO!
- NAROD I PRAVDA
- LABURISTIČKA STRANKA BiH
- HRVATSKO ZAJEDNIŠTVO
- HDZ 1990 - HSP BiH - HNL

RASPOREDENI MANDATI	ŽENE	ŽENE: DIREKTNI MANDATI	ŽENE: KOMPENZACIJSKI MANDATI
27	7	5	2
16	3	2	1
16	4	2	2
10	2	2	0
8	3	2	1
6	4	1	3
4	1	0	1
4	1	1	0
2	0	0	0
2	0	0	0
1	0	0	0
2	0	0	0

Od ukupno 98 zastupnika u Zastupničkom domu Parlamenta FBiH nalazi se 25 žena. Od svih 25 žena, 15 ih je dobilo direktni mandat, dok su ostale dobile kompenzacijske mandate.

Ilustracija: www.interview.ba

NARODNA SKUPŠTINA REPUBLIKE SRPSKE 2018. - 2022.

- SNSD
- SDS
- DNS
- PDP
- SP
- ZAJEDNO ZA BIH
- NDP DRAGAN ČAVIĆ-NS-SNS-SLOBODA
- UJEDINJENA SRPSKA

RASPOREDENI MANDATI	ŽENE	ŽENE: DIREKTNI MANDATI	ŽENE: KOMPENZACIJSKI MANDATI
28	6	4	2
16	1	0	1
12	1	1	0
9	2	0	2
7	1	0	1
4	1	0	1
4	1	0	1
3	1	1	0

Od ukupno 83 narodna poslanika u Narodnoj skupštini Republike Srpske nalazi se 14 žena. Od svih 14 žena 6 ih je dobilo direktni mandat, dok su ostale dobile kompenzacijske mandate.

Ilustracija: www.interview.ba

ZASTUPNIČKI DOM PARLAMENTA BiH 2018.-2022. STRANKE - RASPORED MANDATA

- SDA
- HDZ BiH (U OKVIRU KOALICIJE)
- SDP
- DF-GS, ŽELJKO KOMŠIĆ: BIH POBJEĐUJE!
- SBB
- NS
- NB
- PDA
- ASDA
- SNSD
- SDS
- PDP
- DNS
- SP

RASPOREDENI MANDATI	ŽENE	ŽENE: DIREKTNI MANDATI	ŽENE: KOMPENZACIJSKI MANDATI
9	1	0	1
5	1	1	0
5	1	0	1
3	0	0	0
3	1	0	1
1	1	0	1
1	0	0	0
1	0	0	0
1	0	0	0
6	1	0	1
3	0	0	0
2	1	0	1
1	0	0	0
1	0	0	0

Od ukupno 42 zastupnika u Zastupničkom domu Parlamentarne skupštine BiH nalazi se 7 žena, što predstavlja 19,04 posto. Od svih sedam žena jedna je dobila direktni mandat, dok su ostale dobile kompenzacijske mandate.

Ilustracija: www.interview.ba

12.12. 2018. U CENTRU DRAMAR U TUZLI, ODRŽANA JE STRUČNA DISKUSIJA ZA IZRADU PRAVILNIKA ZA SPREČAVANJE KORUPCIJE U JAVNIM ZDRAVSTVENIM USTANOVAMA U TUZLANSKOM KANTONU.

U Tuzli je ICVA, leaderska organizacija u sektoru zdravstva, bila domaćin javne diskusije. U diskusiji je učestvovalo 14 predstavnika zdravstvenih ustanova u TK, uključujući predstavnike Ministarstva zdravstva TK i Tima Vlade Tuzlanskog kantona za borbu protiv korupcije (JZU UKC Tuzla, JZU Dom zdravlja Gračanica, JZU Dom zdravlja Kladanj, Opća bolnica Gračanica, Banja Gradačac, Zavod zdravstvenog osiguranja TK, Zavod za javno zdravstvo TK).

Predstavljen je Model pravilnika za prevenciju i sprečavanje korupcije u zdravstvenim ustanovama kao efikasan mehanizam za borbu protiv korupcije koji uspostavlja jasne procedure za prevenciju i procesuiranje prijave korupcije u ustanovi i doprinosi transparentnosti rada zdravstvene ustanove.

Otvorena je diskusija u kojoj su učesnici iznosili svoje komentare, prijedloge i iskustva u prevenciji i sprečavanju korupcije u okviru svojih zdravstvenih ustanova.

Zaključeno je:

- Da je predstavljeni model pravilnika dobar materijal koji zdravstvene ustanove mogu iskoristiti i prilagođavati svojoj organizaciji rada i na osnovu kojeg mogu razviti ili revidirati već postojeće pravilnike za prevenciju i sprečavanje korupcije u ustanovi;

- Da će svim zdravstvenim ustanovama biti dostavljena elektronska verzija modela pravilnika za dalje korištenje;

- Da će se do kraja februara 2019. održati još jedna diskusija predstavnika zdravstvenih ustanova, predstavnika Ministarstva zdravstva TK i Kantonalnog Tima za borbu protiv korupcije i nevladinih organizacija ICVA i Zemlja djece u BiH, na kojoj će zdravstvene ustanove dati

konkretno komentare na tekst modela pravilnika kako bi se definisao što je moguće više usaglašeni model pravilnika koji odgovara najvećem broju zdravstvenih ustanova u TK;

ICVA će izraditi materijal za info pultove u okviru zdravstvenih ustanova (poster sa informacijom/instrukcijom za prijavu korupcije) koji će se podijeliti zdravstvenim ustanovama koje uvedu pravilnike ili pokrenu proces uvođenja pravilnika za borbu protiv korupcije.

Diskusiju su pratile četiri medijske kuće (TV Tuzlanskog kantona, Radio slobodna Evropa, BHRT, RTV 7).



Proces provedbe nove Strategije za borbu protiv korupcije u RS (2018-2022)

Na zahtjev Ministarstva pravde Republike Srpske, INFOHOUSE je u decembru 2018. godine izradio detaljan izvještaj o programu edukacije za službenike iz Centra za besplatnu pravnu pomoć RS o pravnoj zaštiti žrtava korupcije i zviždača u skladu sa entitetskim Zakonom o zaštiti lica koja prijavljuju korupciju.

Pored toga, ACCOUNT je radio na unapređenju partnerstva sa Centrom za besplatnu pravnu pomoć RS kako bi ponudio najbolje regionalne prakse, prije svega prakse Republike Srbije, po pitanju zaštite zviždača.

Fondacija INFOHOUSE je 15.01.2019. godine predstavljala ACCOUNT na sastanku sa Ministarstvom pravde RS o procesu provedbe Antikorupcijskog akcionog plana RS (2018-2020), koji je održan sa predstavnicima lokalnih i međunarodnih donatorskih organizacija. Sagovornici su razgovarali o strateškim mjerama/aktivnostima iz ovog plana, kao i o načinima na koje OCD koje radi u oblasti borbe protiv korupcije mogu pomoći.

O modulima e-obrazovanja za izradu planova integriteta zasnovanih na državnoj Strategiji za borbu protiv korupcije

Tehnički stručnjaci, koje je angažovao ACCOUNT, su 24.12.2018. godine APIK-u predstavili prvi nacrt modula e-obrazovanja za izradu planova integriteta u državnim institucijama. Ova aktivnost rezultat je uske saradnje koju su INFOHOUSE, APIK i tehnički stručnjaci uspostavili na izradi, stavljanju u funkciju i pokretanju ove e-obuke. Zvanično puštanje u rad će biti upriličeno u februaru.

Antikorupcijske strategije na lokalnom nivou

Prilikom pružanja tehničke pomoći nižim nivoima vlasti pokrenuta je izrada lokalnih antikorupcijskih akcionih planova u 12 novih opština/gradova u Federaciji BiH. Prvi Memorandum o razumijevanju o izradi antikorupcijskog akcionog plana potpisan je 25.12.2018. godine sa načelnikom opštine Doboj Istok.

POTPISAN „MEMORANDUM O SARADNJI“ SA OPĆINAMA FOJNICA I KISELJAK NA IZRADI AKCIONOG PLANA ZA BORBU PROTIV KORUPCIJE

U okviru projekta „Izgradnja kapaciteta nevladinih organizacija i odabranih općina/gradova na izradi strategija/akcionih planova za borbu protiv korupcije na lokalnom nivou“, 09.01.2019. godine je potpisan „Memoranduma o saradnji“ sa općinama Fojnica i Kiseljak.

Potpisivanje „Memoranduma o saradnji“ je upriličeno kako bi se još jednom potvrdila saradnja partnera antikorupcijske mreže ACCOUNT i saradnika u projektu te na taj način započela implementacija ovog projekta.

Memorandum precizira saradnju predstavnika Općine sa predstavnicima nevladinog sektora uključujući tehničku podršku, izgradnju institucionalnog kapaciteta, razmjenu informacija i promociju. Memorandum se potpisuje u svrhu povećanja prevencije u borbi protiv korupcije na lokalnom nivou, a uključuje formiranje zajedničke radne grupe, tehničku podršku, edukaciju i razmjenu informacija.



Potpisivanje Memoranduma o saradnji – Općina Fojnica



Potpisivanje Memoranduma o saradnji – Općina Kiseljak



Potpisivanje Memoranduma o saradnji – Općina Kiseljak

Projekat, uz podršku Američke agencije za međunarodni razvoj u BiH (USAID), realizuje Antikorupcijska mreža u BiH – ACCOUNT, a koji implementira Udruženje ALDI u saradnji sa Fondacijom Infohouse.

HeIsinški

U sklopu projekta "Jačanje kapaciteta lokalnih zajednica za prevenciju korupcije" danas je u prostorijama Općine Doboj Istok potpisan Memorandum o saradnji sa Antikorupcijskom mrežom u BiH. U narednom periodu, Općina Doboj Istok radiće na izradi Lokalnog akcionog plana za prevenciju korupcije (2019-2021) u cilju unapređenja institucionalnih mehanizama i efikasnog i transparentnog pristupa građanima sa područja ove općine.



Gospodin Jusuf Čavkunović, načelnik Opštine Kladanj, potpisao je 15.01.2019. godine Memorandum o saradnji sa Antikorupcijskom mrežom u BiH (ACCOUNT), čime je ozvaničena saradnja u oblasti prevencije korupcije na lokalnom nivou u sklopu projekta "Jačanje kapaciteta lokalnih zajednica za prevenciju korupcije."

KAM

Udruženje KAM je uspostavilo saradnju sa općinama Maglaj i Doboj Jug s ciljem izrade antikorupcionih planova. Načelnik Maglaja, g. Mirsad Mahmutagić, i Načelnik Doboja Juga, g. Mirnes Tukić, su sa zadovoljstvom prihvatili saradnju, te vrlo brzo imenovali radnu grupu za izradu Akcionog plana za prevenciju i borbu protiv korupcije. Pored toga, donijeli su odluke o provođenju Upitnika o samoprocjeni osjetljivosti na korupciju, a kao rezultat te odluke, anketiranje zaposlenika je završeno. Slijedi kvantitativna i kvalitativna analiza upitnika, te održavanje radionica na kojima će se identificirati strateški pravci Akcionog plana.



Potpisivanje Memoranduma o saradnji – Općina Maglaj



Potpisivanje Memoranduma o saradnji – Općina Doboj Jug

Tokom sedmice borbe protiv korupcije, Udruženje KAM je posjetilo 4 općine (Zavidovići, Žepče, Visoko i Travnik), te urede dva premijera i dvije skupštine (ZDK i SBK) radi uručjenja simboličnog poklona „ogledala“ sa natpisom „Borba protiv korupcije počinje od...“



Program obuke za borbu protiv korupcije na lokalnom nivou prošlo 17 partnerskih općina iz Federacije BiH

Program obuke partnerskih općina koje sudjeluju u izradi i implementaciji akcionih planova za borbu protiv korupcije na lokalnom nivou održan je 24. i 25. 01. 2019. u Sarajevu, a 17 općina/gradova u Federaciji BiH imali su priliku informisati se o jedinstvenom mehanizmu za efikasno praćenje i ocjenu realizacije mjera/aktivnosti iz antikorupcionih akcionih planova pri čemu je bila angažovana Ljupka Simonoska Schulz, konsultantica za međunarodne odnose i regionalna stručnjakinja za borbu protiv korupcije i lokalnu upravu.

Uz podršku Američke agencije za međunarodni razvoj (USAID/BiH), ova inicijativa je rezultat zajedničkog rada Mreže ACCOUNT i partnerskih općina na izradi, ali i primjeni akcionih planova za borbu protiv korupcije na lokalnom nivou, praćenju napretka i njihovoj provedbi kao i ocjeni utjecaja koje ovi mehanizmi imaju na zajednicu.

Amra Softić, menadžerica za razvoj programa Fondacije INFOHOUSE, naglasila je kako je osnovni cilj ovog okupljanja bio ponuditi učesnicima jedan efikasan mehanizam, odnosno instrument za praćenje i ocjenu implementacije akcionih planova antikorupcije i indikatora uspješnosti.

- To nije jednostavan proces, a upravo su predstavnici općina s kojima smo radili, izrazili potrebu za takvim jednim mehanizmom. Naša intencija je, također, bila da izađemo iz lokalnih okvira, te da učesnicima ove obuke prezentiramo regionalna iskustva i međunarodne standarde u primjeni instrumenata za monitoring i evaluaciju antikoruptivnih akcionih planova na lokalnom nivou - kazala je Softić za Interview.ba.

Kako je istaknuto prilikom prvog dana obuke uspješnost realizacije akcionih planova mjerit će se indikatorima kao što su poboljšanje odgovornosti lokalne uprave, povećanje efikasnosti i transparentnosti javnih usluga i povećanjem povjerenja građana u lokalnu vlast.

Rečeno je kako je ova unaprijeđena metodologija bazirana na međunarodnim standardima za praćenje i ocjenu transparentnosti i odgovornosti lokalne uprave u borbi protiv korupcije.

Jedan od razloga ovog skupa su, kako nam je kazala Azra Borovac u ime partnerske organizacije Udruženja „Aldi“ Goražde, pomoći opštinama da na adekvatan način prate i implementiraju mjere ovog akcionog plana.



- Prošle godine smo radili prvi monitoring akcionih planova da vidimo koliko zapravo opštine implementiraju mjere koje su zadate akcionom planu. Goražde je u tom periodu bila općina koja je implementirala najveći broj mjera. Međutim, postoje druge opštine koje to nisu uspjele. Zato smo se odlučili napraviti jedinstvenu metodologiju, kako bi im pomogli da efikasno prate implementaciju svojih mjera, te utječu na rješavanje problema - pojasnila je Borovac za Interview.ba.

Udruženje "Aldi" je član antikorupcijske mreže - ACCOUNT od 2015. godine, i u tri ciklusa su sa lokalnim zajednicama radili na izradi akcionih planova za borbu protiv korupcije.

Goražde je jedna od prvih općina koja je ušla u ovaj projekat, a Azra Valjević, viši stručni saradnik i član radne grupe za borbu protiv korupcije, kazala je kako im je ovaj projekat mnogo pomogao jer su donijeli plan mjera koji se tiče korupcije i u velikom dijelu ga i realizovali

- Ostao nam je još jedan dio koji se tiče plana integriteta, a to nismo uspjeli uraditi zato što nam na određen način nedostaje ljudskih resursa i tehničke potpore - kazala je Valjević i dodala da do sada nisu imali veliki broj prijava korupcije, ali su radili na informisanju građana o njihovim pravima i načinima na koji se mogu obratiti gradskim vlastima.

U fazi izrade plana integriteta je i općina Travnik, potvrdila nam je Aida Daul, sekretar općine Travnik i vođa tima za prevenciju i borbu protiv korupcije unutar ove općine.

Kako je kazala, njen tim danas prisustvuje obuci, kako bi dobili potvrdu da pravilno primjenjuju mjere akcionog plana za ovu općinu.

- Što se tiče normativnog dijela, daleko smo otišli i mnogo smo stvari uradili za koje nisam sigurna da li druge općine imaju, naravno u saradnji sa INFOHOUSE i Udruženjem KAM koji je naš saradnik. Donijeli smo i akcioni plan do 2020. godine - naglasila je Daul.

Dodala je da su donijeli i pravilnik o postupanju sa prijavama, te su samim tim definisali pitanje anonimnih prijava, ali i dali mogućnost prijaviteljima da se identifikuje.

Drugi dan ove obuke nastavljen je sa istim interesovanjem ostalih partnerskih opština koje su interaktivno učestvovala na provjeri uspjehnosti implementacije antikoruptivnih akcionih planova i kroz jedinstveni mehanizam monitoringa i evaluacije.

Uz tehničku podršku ACCOUNT-a, do sada je u procesu izrade i implementacije akcionih planova za borbu protiv korupcije na lokalnom nivou učestvovalo ukupno 40 općina/gradova.

Nakon programa obuke, partnerske općine nastavit će da koriste mehanizme, strateške pristupe i metodologiju u praćenju i ocjeni provedbe akcionih planova kao trajno vlasništvo.



JUSTICIA

Federacija BiH – javna kampanja “Borba protiv korupcije počinje od...”

Javna kampanja pod nazivom “Borba protiv korupcije počinje od...”, u sklopu obilježavanja Sedmice borbe protiv korupcije, organizovana je u dvadesetak gradova u Federaciji BiH, a imala je za primarni cilj ukazati na značaj i ulogu koju u jednom društvu igraju uposlenici javnog sektora, kao potencijalni “zviždači”, kada je u pitanju borba protiv korupcije.

Pored Udruženja građana JUSTICIA i Fondacije INFOHOUSE, u javnim kampanjama su sudjelovale slijedeće organizacije – članice ACCOUNT mreže: Centar za građansku suradnju Livno, Centar za razvoj omladinskog aktivizma – CROA Sarajevo, Centar za razvoj civilnog društva Doboj, KAM Zenica, ALDI Goražde.

Njihove članice i članovi su, u periodu od 11.12. do 18.12.2018. godine, izvršile posjetu određenih javnih institucija na entitetskom, kantonalnim i općinskim/gradskim nivoima, te su, tom prilikom, održale kraće sastanke s predstavnicima tih institucija i uručile promo materijal s molbom da se isti instalira na vidno mjesto u tim institucijama, koje je dostupno svim ili većem broju njihovih zaposlenika.

Posjećene su javne institucije u Sarajevu, Vogošći, Ilijašu, Brezi, Livnu, Ljubuškom, Tomislavgradu, Čapljini, Zenici, Travniku, Vitezu, Zavidovićima, Visokom, Goraždu, Usori, Gračanici, Lukavcu, Kalesiji, Domaljevcu-Šamcu, Odžaku, itd.

Prilikom posjeta, ukazano je također na potrebu unapređenja sistema zaštite prijavitelja korupcije u Federaciji Bosne i Hercegovine, donošenjem Zakona o zaštiti prijavitelja korupcije u Federaciji BiH, te animiranja potencijalnih prijavitelja korupcije u javnim institucijama u našoj državi.



Republika Srpska – javna kampanja “U slučaju potrebe razbiti staklo”

Javna kampanja, pod nazivom “U slučaju potrebe razbiti staklo”, povodom Sedmice borbe protiv korupcije organizovana je u Republici Srpskoj, a realizovana je od strane istih organizacija u Banja Luci, Doboju, Bijeljini, Foči, Ugljeviku, Loparama, Rogatici i Višegradu. Ova javna kampanja imala je za cilj promovisati pravnu zaštitu potencijalnih prijavitelja korupcije, koja je u ovom entitetu obezbijeđena donošenjem Zakona o zaštiti lica koja prijavljuju korupciju u RS, a koji je usvojen u julu 2017. godine.

Naime, iako je od usvajanja ovog Zakona proteklo skoro godinu i po dana, izostala je njegova promocija u Republici Srpskoj. Također, prema rezultatima istraživanja Monitoring tima ACCOUNT mreže za period juli 2017. – juli 2018. godina, i informacijama dobijenim od Ministarstva pravde RS u ovom periodu zabilježena su samo dva slučaja eksterne zaštite pred sudom, u skladu sa odredbama ovog Zakona, ali je ishod postupka nepoznat. Također, prema rezultatima istraživanja našeg Monitoring tima, od 107 subjekata, obuhvaćenih istraživanjem, 3 su navela da su zaprimila 8 internih prijava, ali je većina odbačena zbog nedostatka materijalnih dokaza.

Između ostalih, posjećene su slijedeće institucije u Republici Srpskoj: Vlada RS, Agencija za državnu upravu RS, Fond PIO RS, Fond zdravstvenog osiguranja RS, Grad Banja Luka, JZU Bolnica Banja Luka, JP Putevi RS, Agencija za razvoj malih i srednjih preduzeća, Narodna slupština RS, Republička uprava za geodetske i imovinsko-pravne poslive, Univerzitet u Banja Luci, Republičko tužilaštvo, Grad Doboj, itd.



- Dana, 21.12.2018. godine obavljena je predaja materijala (ogledalo i letci) povodom sedmice borbe protiv korupcije Ankici Šaravanji, predsjednici radne grupe za izradu Akcijskog plana u borbi protiv korupcije općine Ljubuški. Također smo istu upoznali sa sastankom u Sarajevu, koji će se održati 25.01.2019. godine.



Slika primopredaje materijala kod predsjednice radne grupe općine Ljubuški

- Isti dan obavljena je predaja materijala za Snježanu Grgić, predsjednicu radne grupe za izradu Akcijskog plana u borbi protiv korupcije općine Čapljina, koju smo također upoznali sa sastankom u Sarajevu, koji će se održati 25.01.2019. godine.




Slika primopredaje materijala kod predsjednice radne grupe općine Čapljina

ACCOUNT MEDIA POOL OTKRIVA I ISTRAŽUJE

Priča o korupciji u različitim oblastima

ACCOUNT Media pool u prethodnom periodu je objavio 22 istraživačke priče o korupciji u različitim oblastima. Novinari ACCOUNT Media poola su istraživali o [pustošenju budžeta Velike Kladuše](#), [zloupotrebama boračkih prava u Republici Srpskoj](#), [zloupotrebama Mikrokreditnog društva Taurus](#), [rodbinskom zapošljavanju](#), [stanju borbe protiv korupcije u Republici Srpskoj](#), [uništavanju namjenske industrije](#), [namještanju poslova u Agenciji za državnu upravu](#), [kršenju prava radnika u Trebinju](#), [prevarama vezanim za kupoprodaju hotela u Ljubinju](#), [političkim zloupotrebama kulturnih ustanova u Republici Srpskoj](#), [stečajnom kriminalu u Republici Srpskoj](#), [kreditnim zloupotrebama u TE Tuzla](#), [nerealizovanim turističkim projektima u Republici Srpskoj](#), [javnim nabavkama povezanim sa Islamskom zajednicom](#), [stranačkom zapošljavanju](#), [koruščenju obrazovnih ustanova u političke svrhe](#), [lažiranju studije uticaja na okolinu pri izgradnji HE Vrilo kod Tomislavgrada](#), [rodbinskom zapošljavanju u pravosudnim institucijama](#), [uništavanju prehrambene industrije u Gradišci](#), [nepotizmu pri organizaciji proslave 40 godina postojanja Medicinskog fakulteta u Banja Luci](#), [sumnjivim fakultetskim diplomama visokih funkcionera u Republici Srpskoj](#), te [preskupo plaćenom travnjaku FK Željezničar](#).



Članice ACCOUNT Media će u narednom periodu nastaviti sa istraživačkim pričama o korupciji. Članice ACCOUNT Media poola su: Capital.ba, Buka, eTrafika, Gerila, Inforadar, Moja Hercegovina,

Tačno.net, B1 Info, Frontal.ba, Direkt, Impuls.

ONLINE "AFERA"

ACCOUNT je povodom obilježavanja Sedmice borbe protiv korupcije publikovao 5 brojeva online "Afere" u kojoj su sadržani tekstovi ACCOUNT Media poola i Online magazina Žurnal koji su objavljeni u toku 2018. godine.



ACCOUNT I AGENCIJA ZA JAVNE NABAVKE BiH

Država ne smije tolerisati korupciju

Nevladin sektor je uspeo da u Nacrt zakona o izmjenama i dopunama Zakona o javnim nabavkama uključi konkretne pijeđloge kojima se prevenira korupcija. Nastavićemo da pratimo proces usvajanja legislative- kazao je Eldin Karić, direktor ACCOUNT-a



Konferencija za medije Accounta i Agencije za javne nabavke, 05. decembar 2018.

Predlaganjem konkretnih rješenja za izmjene i dopune Zakona o javnim nabavkama BiH, te organizacijom edukacija za sudije i tužioce u cilju efikasnije primjene Zakona i identifikovanja korupcije, Antikorupcijska mreža ACCOUNT je u saradnji sa Agencijom za javne nabavke dala doprinos uspostavljanju transparentnijeg i odgovornijeg sistema javnih nabavki. Za ozbiljniji iskorak u borbi protiv korupcije, potreban je odlučniji iskorak svih institucija sistema, poručeno je povodom Svjetskog dana borbe protiv korupcije.

“Agencija za javne nabavke, te pojedini predstavnici pravosudne zajednice, pokazali su da postoje pojedinci koji žele da se bore protiv korupcije u javnim nabavkama. Nažalost, potrebna im je jača podrška. I dalje javna sredstva kroz sistem javnih nabavki direktno odlaze u ruke kriminalaca, na štetu cijelog društva. Nevladin sektor je uspeo da u Nacrt zakona o izmjenama i dopunama Zakona o javnim nabavkama uključi konkretne pijeđloge kojima se prevenira korupcija. Nastavićemo da pratimo proces usvajanja legislative” - kazao je Eldin Karić, direktor ACCOUNT-a.

Eldin Karić: “I dalje javna sredstva kroz sistem javnih nabavki direktno odlaze u ruke kriminalaca, na štetu cijelog društva”

Nacrt zakona o izmjenama i dopunama Zakona o javnim nabavkama predviđa oštrije novčane kazne, inspekcijski nadzor, te definisanje krivičnog djela u oblasti javnih nabavki.

“Nacrt zakona je u proceduri, tek treba da dođe do Vijeća ministara BiH, potom i u Parlamentarnu skupštinu. U amandmanskoj fazi će se pokazati pravo lice, ko je za, a ko protiv antikoruptivnih rješenja” - kazao je direktor Agencije za javne nabavke BiH Denan Salčin, te istakao:

“Zabrinjava obrazac ponašanja da je namještanje tendera, dostavljanje tenderske dokumentacije, brat – bratu, otac – kćerci...postalo ponašanje koje je normalno. Agencija će do kraja godine podnijeti 7-8 prekršajnih prijava, kako bi krenuli u kažavanje. Došlo je vrijeme da država pošalje jasnu poruku da se koruptivni obrasci ponašanja neće tolerisati.”

Denan Salčin: “Došlo je vrijeme da država pošalje jasnu poruku da se koruptivni obrasci ponašanja neće tolerisati.”

O pravosudnoj praksi procesuiranja zloupotreba i korupcije u sistemu javnih nabavki govori su Milica Pranjić, pravna savjetnica u Sudu BiH i Adnan Tulić, šef Odsjeka za organizovani kriminal Tužilaštva USK.

“Sudska praksa je pokazala da nema dobrih i loših zakona, ključna je primjena zakona. Analiza prakse Suda BiH je pokazala da u postojećem Zakonu o javnim nabavkama postoji problem u sankcijama. Sud BiH cijeni da je predloženo uvođenje inspekcijskog nadzora dobar korak. Kazna mora da postoji. Neko mora da zaštiti javni interes” - poručila je Milica Pranjić.

Milica Pranjić: “Kazna mora da postoji. Neko mora da zaštiti javni interes”.

Krivično djelo korupcije je po svojoj samoj prirodi teško dokazivo. Kad je riječ o javnim nabavkama, većina koruptivnih djela se sagledava kroz prizmu zloupotrebe službenog položaja.

“Praksa je poražavajuća. Kod aktera korupcije u sistemu javnih nabavki ne postoji strah da će se suočiti sa adekvatnim represivnim odgovorom pravosudnog sistema.

Stručna pravosudna zajednica se mora uključiti u izmjene i dopune zakona, te ponuditi definiciju oblika krivičnog djela korupcije u javnim nabavkama” - poručio je Adnan Tulić.

Adnan Tulić: “Stručna pravosudna zajednica se mora uključiti u izmjene i dopune zakona, te ponuditi definiciju oblika krivičnog djela korupcije u javnim nabavkama”.



Eldin Karić



Denan Salčin



Milica Pranjić



Adnan Tulić

SEKTORSKA GRUPA ZAPOŠLJAVANJE – PROMOCIJA AKTIVNOSTI

Helsinški odbor za ljudska prava je u okviru projekta „Jednake šanse – transparentnost u zapošljavanju u javnom sektoru III“ je u okviru obilježavanja Sedmice borbe protiv korupcije održao press i predstavio Analizu zakonodavnog okvira u oblasti zapošljavanja u javnom sektoru u ukupno 7 kantona u BiH (Posavski, Bosansko-podrinjski, Tuzlanski, Srednjo-bosanski, Zeničko-dobojski, Unsko-sanski kanton i Kanton 10). Na press-u je prikazan i kratki film o provedenim aktivnostima u oblasti zapošljavanja.



Press, Tuzla, 10.12.2018. godine



Press, Tuzla, 10.12.2018. godine

Konferencija povodom Međunarodnog dana borbe protiv korupcije

U Sarajevu je 07.12.2018. u organizaciji Agencije za prevenciju korupcije i koordinaciju borbe protiv korupcije održana konferencija povodom Međunarodnog dana borbe protiv korupcije. Na konferenciji je pored predstavnika institucija, diplomatskog kora i nevladinog sektora u BiH učestvovao i [direktor Mreže ACCOUNT Eldin Karić](#).



ČLANICE ACCOUNT-A IZVRŠILE PODJELU LETAKA

9. decembar – Svjetski dan borbe protiv korupcije je obilježen i od strane članica mreže ACCOUNT. Naime, članice mreže su u toku Sedmice borbe protiv korupcije u gradovima širom Bosne i Hercegovine vršile podjelu letaka i na taj način skrenule pažnju građanima o značaju prevencije i borbe protiv korupcije.



Livno, Visoko, Doboj, Zenica.....



NAJAVE

Konferencija za novinare sa Agencijom za prevenciju korupcije i koordinaciju borbe protiv korupcije povodom pokretanja modula e-obrazovanja o izradi planova integriteta za 75 javnih institucij. Samo pokretanje modula biti će popraćeno intenzivnom kampanjom zagovaranja.

Intenzivna kampanja podizanja svijesti sa kandidatkinjama – biti će urađeno priče u Sarajevu, Zenici, Banja Luci i Grahovu kako bi se prenijele dobro definisane poruke o dostupnim mehanizmima pravne podrške u vezi sa zaštitom prava kandidatkinja/političarki prije i poslije izbora.

Prezentacija prvog izvještaja o provođenju akcionog plana za borbu protiv korupcije Vlade Zeničko-dobojskog kantona 18. januara 2019 koja je organizovana uz podršku ACCOUNT-a i Fondacije INFOHOUSE koja je učestvovala u izradi ove Anti-koruptivne strategije i Akcionog plana

ISTRAŽIVAČKA AKCIJA ŽURNALA: Za 17 dana stekli smo diplomu srednje medicinske škole

Novinari Online magazina Žurnal izveli su do sada nezabilježenu [akciju u istraživačkom novinarstvu i dokazali da se za 17 dana može kupiti diploma srednje medicinske škole](#), nakon ove afere [MUP USK je izuzeo dokumentaciju Medicinske škole u Sanskom Mostu](#), a otkriveno je i da je [agencija za posredovanje pri zapošljavanju u Njemačkoj upozorila na sumljive diplome](#). Otkriveno je da [Tužilaštvo BiH odbacilo informacije o kupovini diploma koje im je dostavila SIPA](#), te [da zamjenama identiteta pokušavaju prikriti kriminal](#), kao i to da [umjesto hapšenja odgovornih tužiocu Tužilaštva BiH provjeravaju novinarske izvore](#).

Srijeda,
16. Januar 2019.

JEDINA SLOBODNA TERITORIJA

DRUŠTVO ŽIVOT INTERVIEW KOLUMNNE KULTURA NOVAC SPORT SVIJET MEDIJI AFERA JAVNE NABAVKE VIDEO

Istraživanja: Bošnjaci pod zastavom ISIL-a Zagađenje zraka AFERA - TV Žurnal

NOVI FILM TV ŽURNALA

TENDER NA RECEPT

NIKAD NIJE KASNO

9342

POGLEDAJTE ISTRAŽIVAČKU AKCIJU ŽURNALA: Za 17 dana stekli smo diplomu srednje medicinske škole

Objavljeno: 04.01.2019. u 12:21h

Diplomu Srednje medicinske škole iz Sanskog Mosta koja je priznata u cijeloj BiH i Evropskoj uniji, naša novinarka stekla je za dvije sedmice. Posrednik tražio 2500 maraka za hitnu diplomu. U dokumentima navedeno da je prekvalifikacija trajala dvije godine. Diploma formalno izdata prije nego smo i predali dokumentaciju

STRELOVITA KARIJERA PROFESORICE...

KO SU SDA PIONIRI: Falsifikatori,...

DODIKOVIM SLOVOM, ČOVIĆEVIM...

Najnovije iz kategorije >


ŠTA SE DESILO NAKON AFERE DIPLOMA
Umjesto hapšenja odgovornih, tužiocu provjeravaju novinarske izvore

GORDANA TADIĆ, ZNA SE
Četiri afere koje odbija procesuirati državna tužiteljica

VRHOVNI SUD RS NE ŽURI
Zemljište od 400 miliona KM na čekanju

AKCIJA DIPLOMA: Regionalni mediji prenijeli istraživačku priču Žurnala

Brojni domaći i regionalni mediji prenijeli su istraživačku priču Žurnala o kupovini diplome, između ostalih [Večernji list](#), [Jutarnji list](#), [Vijesti](#), [Telegraf](#), [Kurir](#), [Cafe del Montenegro](#), ali i austrijski [Kosmo](#).



ŽURNAL DOKAZUJE: Posljednji čin otimačine Vitezita

Novinari Žurnala su istraživali [kome je HDZ BiH namjerio prepustiti Vitezit](#), kao i o tome [zašto je Vitezit bio i ostao pokriće za šverc i nelegalno profiterstvo](#).

Žurnal istražuje o [zloupotrebama ministarstva obrazovanja Kantona Sarajevo](#), različitim kriterijumima za [profesorski angažman na Medicinskom fakultetu u Sarajevu](#), [raspodjeli sredstava Fonda za razvoj obrazovanja UNSA](#), [zloupotrebama pri informatizaciji u ZZO Kantona Sarajevo](#), [namještenim tenderima u JP Putevi RS](#), kako je [osumnjičeni za ratni zločin Ljuban Ećim izbjegao hapšenje](#), kao i [otpisu dugova SDA prema agenciji FENA](#).



Borba protiv korupcije počinje od...

otporni
na štelu!
account